



Udruženje građana
Ne diskriminacija, ne mobing
tel: 066 208 387
email: udruzenje.ndnm@gmail.com
adresa: Maršala Tita do br.34 lamela A sprat III

Identifikacijski broj:
4210487470006
Broj transakcijskog računa kod
Raiffeisen Bank:
1610000352750017

Institucija Ombudsmena za ljudska prava BiH
Akademika Jovana Surutke 13
78 000, Banja Luka

Predmet: Komentar u predmetu broj: Ž-BL-05-756/25 od 05.11.2025. godine

Poštovani,

Potvrđujemo izjašnjenja navedena u podnesku Službe za opću upravu i zajedničke poslove Grada Tuzle broj: 09-04-16333/25 AMS od 13.10.2025. godine.

Naime, razlog zbog kojeg je postavljen ovaj zahtjev jeste kako bi se prikupili dokazni materijali u predmetu koji se kod vaše institucije vodi pod brojem: Ž-BL-06-684/25.

Nadalje, iz navedenog izjašnjenja predmetne službe je jasno vidljivo da ne postupaju u skladu sa duhom i ciljem Zakona o slobodi pristupa informacijama, te odredbama propisanim u članu 14. stav 6. navedenog zakona, propisuje da se rješenja **dostavljaju** čim prije a najkasnije u roku od 15 dana od prijema zahtjeva.

Navedeno potvrđuju činjenice koje u svom izjašnjenju iznosi i nadležni organ, a to je da je kao datum izrade rješenja naveden 15.09.2025. godine a da je rješenje uručeno našem Udruženju deset dana poslije 25.09.2025. godine. Da stvar bude dodatno zabrinjavajuća sjedište našeg udruženja se nalazi 300 metara od zgrade Gradske uprave.

Također nam savjest nalaže da u ovom predmetu iznesemo za nas, nelogična i strašna saznanja, a koja se odnose na evidenciju predmeta u Službi za prostorno uređenje i zaštitu okoline.

Naime, prema njihovim tvrdnjama predmetna služba ne može naći u svojoj evidenciji urbanističke saglasnosti, građevinske dozvole i upotrebne dozvole po adresi lokacije za koju su iste uzdate. U situaciji gdje je lokacija i objekat nabitiji predmet utvrđivanja u za to propisanim postupcima, ne možete dobiti informaciju na osnovu „podatka lokacije“. Dakle isključivo se mora znati ime osobe koja je taj zahtjev podnijela, što dovodi do sljedećih situacija. Kada osoba da u zakup poslovni prostor i taj poslovni prostor koristi drugo lice sa dokumentacijom zakupca, ne ostavlja se skoro nikakva mogućnost da se dođe do tražene informacije, što ovoj službi ostavlja mogućnost da iste kriju i odbijaju pristup istim iz ovih po nama bizarnih razloga.

Sve navedeno je u suprotnosti sa odredbama člana 2. ZOSPI FBiH, koji propisuje poticanje i olakšavanje priopćavanja informacija.


Primjetili smo još jednu pojavu u našem radu a koja se odnosi na upravni inspektorat. Naime, u posljednjih par prijava koje smo uputili navedenim, odmah nakon prijave dobijemo rješenje, odnosno naš

zahtjev bude riješen, a nakon toga i obavijest od upravne inspekcije „kako nije bilo potrebe za reakcijom jer je predmet riješen i prije njihove intervencije.

Ono što smo također primjetili u svim našim predmetima jeste da zakonom propisani rokovi ne vrijede za naše vlastodršce, niti ikome pada na pamet da ih sankcioniše zbog te vrste kršenja zakona. Dok sa druge strane svako kašnjenje običnih ljudi dovodi do promptnog rješavanja predmeta na način da se u odluci odma istakne da stranka nije **blagovremeno** djelovala.

Sve navedeno upućuje i zašto tonemo sve dublje. Vlastodršci obične ljude kažnjavaju, sankcionišu i odbijaju kada god imaju priliku, a isti ti za svoj nerad ne snose nikakve sankcije.

Sa poštovanjem,


Hamza Pašalić
Predsjednik Udruženja



Tuzla, 01. 12. 2025. godine
Broj protokola: Z-209/25

Misija: Udruženje koje se bori za jednakost i ravnopravnost građana u svim sferama života, sa naglaskom na radno-pravne odnose i borbu protiv mobinga kao jednog od oblika diskriminacije i sredstvo poslodavaca i političkih stranaka kojim drže u strahu radnike, zaposlenike i državne službenike.

Vizija: Ravnopravno društvo bez diskriminacije po bilo kojem osnovu